



Xosé Mahou, director da área de Responsabilidade Social e Cooperación da Universidade de Vigo.

UNHAS XORNADAS ANALIZARÁN NO CAMPUS OS RETOS DAS UNIVERSIDADES GALEGAS ANTE A AXENDA 2030

D. BESADÍO DUVI 31/10/2018

Achegarse ao fenómeno da cooperación universitaria ao desenvolvemento e establecer un diálogo entre os axentes sociais claves na cooperación ao desenvolvemento. Estes son dous dos grandes obxectivos cos que xorden as *Xornadas A cooperación universitaria ao desenvolvemento ante a Axenda 2030*, organizadas polas tres universidades galegas e que se celebrarán na sala 1 do edificio Miralles os vindeiros 19 e 20 de novembro. [+Info.](#)



María Florencia Fernández, Esther de Blas, Ludmylla Moura Santos e Edwin Alonso Guiza.

AS BOLSAS OURENSE EXTERIOR TRAEN AO CAMPUS ESTUDANTES DE MESTRADO DE BRASIL, COLOMBIA E URUGUAI

ROSA TEDÍN DUVI OURENSE 02/11/2018

Froito da colaboración entre a Universidade de Vigo, o Consello Social da Universidade de Vigo e a Deputación de Ourense e co obxectivo de fomentar a internacionalización do campus de Ourense cada ano convócanse as Bolsas Ourense Exterior. Este curso académico son tres as e os estudantes de mestrado, procedentes de Brasil, Colombia e Uruguai, que xa están no campus grazas a esta iniciativa, cuxo beneficiarios teñen de balde as taxas de matrícula e reciben unha axuda de 3100 euros para gastos de viaxe e aloxamento. [+Info.](#)



Integrantes da rede Nanouptake nunha xuntanza celebrada recentemente em Polonia.

A UNIVERSIDADE PARTICIPA NUNHA REDE EUROPEA PARA FOMENTAR O USO DE NANOFLUÍDOS EN ENERXÍAS RENOVABLES

D. BESADÍO DUVI 02/11/2018

A Universidade de Vigo é un dos socios da rede europea Cost Action Nanouptake, unha iniciativa integrada por máis de 35 grupos de investigación de 25 países con representación de universidades, centros de investigación e empresas do sector que traballan conxuntamente para fomentar o uso dos nanoflúidos nas enerxías renovables. A acción durará ata abril de 2020 e contan cun financiamento próximo aos 500.000 euros, con cargo ao programa Horizonte 2020, do que forman parte as denominadas acción Cost (Cooperación Europea en Ciencia e Tecnoloxía), un dos marcos máis amplos de colaboración a escala internacional. [+Info.](#)



Na reunión inicial celebrada esta semana en Polonia, participaron os profesores Itziar Goicoechea e Iñigo Cuiñas.

O PROXECTO EUROPEO UNIFORS DESEÑARÁ ESTRATEXIAS PARA MELLORAR AS COMPETENCIAS TRANSVERSAIS DO ALUMNADO DE GRAO

DUVI 02/11/2018

Nos últimos anos as competencias transversais estanse consolidando como unha formación, non só importante, senón fundamental e necesaria para o alumnado dos graos. Por este motivo, as universidades están cada vez máis implicadas en deseñar programas formativos que redunden na adquisición deste tipo de características por parte do alumnado. Tanto é así que algúns plans de estudo dos graos xa inclúen este tipo de contidos e cada vez son máis os docentes que apostan por achegar ao seu estudantado coñecementos relacionados coa toma de decisións, comunicación, xestión do tempo, organización ou traballo en equipo. [+Info.](#)



Imaxe do obradoiro.

REPENSANDO A SEXUALIDADE DENDE AS MARXES

DUVI OURENSE 05/11/2018

Entre a oferta de obradoiros que se imparten este cuadrimestre no campus de Ourense está *Espazo Queer: repensando a sexualidade dende as marxes*. Trátase, explican as súas promotoras, “dun espazo para reflexionar, vivenciar e transgredir, dando a oportunidade de pensar e pensarse dun modo diferente”, traballando arredor da identidade sexual e das identidades de xénero subversivas. [+Info.](#)



CC da Educación e do Deporte acolleu unha conferencia de Iria Vázquez, presentada pola investigadora María Lorenzo.

AS VÍTIMAS DE VIOLENCIA MACHISTA SOFREN TAMÉN “VIOLENCIA INSTITUCIONAL”

EDUARDO MUÑIZ DUVI PONTEVEDRA 05/11/2018

As vítimas de violencia machista sofren tamén “violencia institucional, xa que non se protexen os seus dereitos como vítimas”, sostén a investigadora da Universidade da Coruña Iria Vázquez, que na tarde deste luns abordou na Facultade de Ciencias da Educación e do Deporte “os fallos e carencias” que en materia de asistencia ás vítimas existen tanto no ámbito dos servizos sociais, como no xudicial e no das forzas e corpos de seguridade. Fíxoo nunha conferencia titulada *Todas as mulleres sofren violencia*, enmarcada na cuarta edición do ciclo *Unha mirada de xénero*, que promove a profesora María Álvarez Lires co patrocinio da Unidade de Igualdade da Universidade e na que a doutora en Socioloxía Vázquez Silva puxo sobre a mesa que “aínda queda un longo percorrido” para asegurar os dereitos das vítimas desta lacra social, que sofren nese senso unha “dobre vitimización”. [+Info.](#)



Imaxe da escola Arco Iris.

AS HORAS NA BIBLIOTECA TRANSFÓRMANSE EN DIÑEIRO PARA UNHA ESCOLA EN SENEGAL

DUVI OURENSE 05/11/2018

Como xa vén sendo tradición, un 5 de novembro máis o campus de Ourense únese á celebración internacional da Olimpíada Solidaria de Estudo acollendo un dos seus postos na Biblioteca Rosalía de Castro. Trátase dunha acción de sensibilización e solidariedade internacional a través da cal as horas de estudo das persoas participantes son transformadas por empresas colaboradoras en diñeiro para proxectos de cooperación ao desenvolvemento. [+Info.](#)

3



Convértese na segunda institución en Galicia en ser incluídas na RED UCC+i.

A UNIVERSIDADE INCORPÓRASE Á RED DE UNIDADES DE CULTURA CIENTÍFICA Y DE LA INNOVACIÓN COMO MEMBRO ACREDITADO

Ma DEL CAMEN ECHEVARRÍA DUVI 06/11/2018

Desde a súa creación no ano 2007 co gallo da publicación dunha convocatoria de axudas para a realización de actividades de difusión e divulgación científica, o número das Unidades de Cultura Científica y de la Innovación (UCC+i) foi medrando en España ata acadar as 79 actuais. A última incorporación á rede como membro acreditado é a Universidade de Vigo, que xunto ao CSIC, convértese na segunda institución galega con presenza neste grupo de unidades. [+Info.](#)



González Palau, López Mira, Fernández Lores e Oubiña.

O MUNDO LUSÓFONO SERÁ O EIXO DO III CONGRESO DE ESTUDOS INTERNACIONAIS DE GALICIA

DUVI PONTEVEDRA 06/11/2018

As relacións de Galicia co mundo lusófono e a Comunidade de Países de Lingua Portuguesa (CPLP) serán o eixo do III Congreso de Estudos Internacionais de Galicia, que a Área de Ciencia Política e da Administración-Observatorio da Gobernanza G3 da Universidade promove xunto co Instituto Galego de Análise e Documentación Internacional (Igadi) e que se desenvolverá os días 27 e 28 de marzo de 2019 na Facultade de Ciencias Sociais e da Comunicación. [+Info.](#)



O día 29 celébrase o New Space España, organizado por Universidade, Cinae e Alén Space.

VIGO CONVERTERASE ESTE MES NO EPICENTRO NACIONAL DO 'NEW SPACE'

Ma DEL CAMEN ECHEVARRÍA DUVI 07/11/2018

A redución de custos puxo en marcha hai uns anos unha auténtica revolución no sector aeroespacial. Peza central nese proceso de democratización do espazo, coñecido como *new space*, son os nanosatélites, que no caso de España iniciaron a súa carreira co Xatcobeo, o cubesat deseñado e construído pola Agrupación Aeroespacial da Universidade de Vigo, lanzado ao espazo o 12 de febreiro do ano 2012. Transcorridos case sete anos desde ese fito e 11 desde que comezou a carreira aeroespacial na institución académica, Vigo se converterá no epicentro do *new space* o vindeiro 29 de novembro, co gallo da celebración de [New Space España](#).

O NAUFRAXIO DO CORDERO GONZÁLEZ E OS TESOUROS BIOLÓXICOS DO MAR GALEGO, NOVIDADES DA SEMANA DE CINE SUBMARINO

Ma DEL CARMEN ECHEVARRÍA DUVI 08/11/2018

Co obxectivo de sensibilizar á sociedade sobre a necesidade de respectar o medio mariño e as especies que o habitan e garantir a súa conservación, a Vicerreitoría de Captación de Alumnado, Estudantes e Extensión Universitaria da Universidade de Vigo pon en marcha unha nova edición, a 28ª, da [Semana Internacional de Cine Submarino](#). [+Info.](#)

A UNIVERSIDADE ESTREARÁ ESTE MES UN LABORATORIO QUE SITUARÁ A VIGO COMO REFERENTE EUROPEO NO ESTUDO DA LINGUAXE

D. BESADÍO DUVI 09/11/2018

A Universidade de Vigo estreará este mes un novo laboratorio, pero nesta ocasión non será nunha escola de enxeñaría nin nunha facultade do ámbito científico, senón na de Filoloxía e Tradución. Falamos do Laboratorio de Cognición e Linguaxe, un proxecto que vai pórse en marcha tras concederlle o Ministerio de Ciencia, Innovación e Universidades unha subvención de 291.000 euros, financiamento que irá destinado á adquisición de equipamento “que situará á nosa Universidade como un referente da investigación máis punteira neste ámbito, non só no Sistema Universitario Galego, senón tamén no Estado e en Europa”. [+Info.](#)



José Luís González, María Teresa Cores e Daniel Rey.



Rosalía Rodríguez Vázquez e Miguel Cuevas, directores do laboratorio.

Novembro 2018.




Manuel Reigosa e Enrique Ponce.

A UNIVERSIDADE DE VIGO FORMARÁ PERSOAL DO MINISTERIO DE TURISMO DE ECUADOR

ROSA TEDÍN DUVI OURENSE 09/11/2018

Manuel Reigosa, reitor da Universidade de Vigo, e Enrique Ponce de León, ministro de Turismo de Ecuador, asinaron este venres dous convenios de colaboración que permitirán a persoal do Ministerio de Turismo de Ecuador recibir formación a través da modalidade semipresencial do Mestrado en Dirección e Planificación do Turismo de Interior e de Saúde que se imparte na Facultade de Ciencias Empresariais e Turismo do campus de Ourense. [+Info.](#)



A CÁTEDRA SARAMAGO ORGANIZA UNHA XORNADA SOBRE A RELACIÓN ENTRE O ESCRITOR E AS CORRENTES FILOSÓFICAS

DUVI 09/11/2018

A Cátedra Internacional José Saramago continúa programando actividades culturais e divulgativas para fomentar o coñecemento sobre a figura do Nobel portugués entre a cidadanía. Desta volta, será o profesor e investigador Carlos Salzani o encargado de ofrecer un relatorio para afondar na relación de Saramago coa filosofía, que terá lugar o vindeiro día 14 de novembro ás 19.00 horas no Centro Cultural do Instituto Camões. [+Info.](#)



Intre dalguns asistentes na recepción.

MÁIS DE 300 PERSOAS PARTICIPARON NA XORNADA DE PORTAS ABERTAS ORGANIZADA POR ATLANTTIC

DUVI 12/11/2018

A xornada de portas abertas celebradas polo centro de investigación en Tecnoloxías de Telecomunicación da Universidade de Vigo, atlanTTic foi un éxito rotundo. O pasado venres as instalacións do centro da Escola Escola de Enxeñaría de Telecomunicación acolleron unha ducia de obradoiros e experimentos que deron a oportunidade de coñecer en detalle, aos máis de 300 asistentes que se achegaron ás instalacións, as novas tecnoloxías como a impresión 3D, os nanosatélites, o recoñecemento facial, as apps deseñadas para facilitar a comunicación a persoas con dificultades específicas ou as ferramentas de detección de manipulacións en fotos e vídeos, entre outras. [+Info.](#)



Jesús Simal e Marizo Battino poderían situar á Universidade de Vigo á cabeza do SUG no ranking dos investigadores máis citados.

JESÚS SIMAL E MAURIZO BATTINO PODERÍAN SITUAR Á UNIVERSIDADE DE VIGO Á CABEZA DO SUG NO RÁNKING DOS INVESTIGADORES MÁIS CITADOS

M^a DEL CAMEN ECHEVARRÍA DUVI 13/11/2018

Á espera da súa publicación oficial a mediados deste mes de novembro, o Listado das e dos investigadores máis citados do ano 2018, [Highly Cited Researchers List](#) (HCR), elaborada por Clarivate Analytics, podería incluír dous representantes da Universidade de Vigo, o que a convertería na institución académica galega con máis científicos nesta relación, baseada nos traballos publicados e citados durante a última década. A incorporación de Simal no listado, no que ata o ano pasado aparecía o catedrático David Posada, que ao cambiar de liña de investigación xa non estará incluído este ano, foi confirmada esta mañá polo reitor, Manuel Reigosa. [+Info.](#)



José Luis Sanromán, Alfonso Vázquez, Juan Gonzáles e Natalia Caparrini,

A UNIVERSIDADE EXPANDIRÁ AS SÚAS ACTIVIDADES FORMATIVAS Á POBOACIÓN MAIOR DE 55 ANOS DUNHA VINTENA DE COMARCAS

M^a DEL CAMEN ECHEVARRÍA DUVI 15/11/2018

Nun territorio no que máis dun 22% da poboación supera os 65 anos acada, se cabe, aínda máis sentido o obxectivo da Unión Europea reflectido no Espazo Europeo de Aprendizaxe Permanente de favorecer unha formación ao longo da vida, como un medio para, entre outros aspectos, promover a cohesión e o tecido social, así como unha cidadanía activa e a realización persoal das e dos seus integrantes. Cun Programa da Maiores de seu desde ano 1997, a Universidade de Vigo pretende agora dar un paso máis no obxectivo de achegar o coñecemento ás persoas maiores de 55 anos. [+Info.](#)



Concepción Torres e Pablo Raúl Bonorino.

A SENTENZA DA MANADA COMO EXEMPLO DA "NECESIDADE DE APLICAR A LEI DESDE UNHA PERSPECTIVA FEMINISTA"

ROSA TEDÍN DUVI OURENSE 15/11/2018

A Facultade de Dereito do campus de Ourense e a Facultade de Ciencias Xurídicas e do Traballo do campus de Vigo acolleron este xoves a segunda e última sesión das xornadas *Feminismo e teoría do dereito. A sentenza da Manada a debate*. Trala conferencia o día 25 de Pablo de Lora, profesor da Universidad Autónoma de Madrid, nesta ocasión interveu Concepción Torres, da Universidad de Alicante. [+Info.](#)



Eduardo Rodríguez, Natalia Caparrini e Alfonso Mandado.

A INSTITUCIÓN APOSTARÁ POLO DEPORTE PARA “RECUPERAR O AMBIENTE UNIVERSITARIO NOS CAMPUS”

DUVI 15/11/2018

Deporte e actividade física como catalizadores da vida e do ambiente nos campus. Esta é unha das principais apostas da Área de Benestar, Saúde e Deporte para 2019, que presentaron este xoves a vicerreitora de Captación de Alumnado, Estudantes e Extensión Universitaria, Natalia Caparrini e o director desta área, Alfonso Mandado. Segundo ambos destacaron, é preciso asumir que o deporte é “un catalizador non só do ocio, senón tamén da saúde física e mental dos individuos e un peza clave na formación integral das persoas”. [+Info.](#)



Carmen Pampín, Rosa Ana Malvar, Alicia Estévez, Magdalena Cid e Rosa Claramunt non intre da mes a redonda.

BIOLOXÍA CELEBRA SAN ALBERTE REIVINDICANDO O PAPEL DA MULLER NA CIENCIA

D. BESADÍO DUVI 15/11/2018

Tras varios días de intensa actividade, de conferencias, charlas, concursos, exposicións... as facultades de Bioloxía, Ciencias do Mar e Química celebraron este xoves o día grande do seu patrón, San Alberte, e fixérono coa entrega de premios do seu tradicional Concurso de Fotografía Científica, cunha charla do divulgador científico Xurxo Mariño, pero tamén e, sobre todo, cunha mesa redonda na que se reivindicou o importante papel que as mulleres “exerceron, exercen e exercerán” no mundo da ciencia. [+ Info.](#)



Comprobouse o funcionamento dos sensores infravermellos de terra, que detectan focos de calor.

O PROXECTO FIRERS TESTA A SÚA TECNOLOXÍA PARA A DETECCIÓN REMOTA TEMPERÁ DUN INCENDIO

DUVI 16/11/2018

A pouco máis dun mes para o lanzamento do picosatélite LUME-1, o proxecto FireRS segue completando fases e realizando probas para testar as diferentes tecnoloxías. Este venres a localidade de Silleda foi o escenario dun simulacro de incendio que permitiu probar os sensores infravermellos de terra que permiten a detección remota temperá do lume. Cando o sistema estea completo, estas cámaras termográficas que detectan os focos de calor deberán enviar a información ao LUME-1, pero nesta ocasión os datos foron remitidos directamente ao camión do posto de mando móbil da Axencia Galega de Emerxencias. [+Info.](#)



Foto de familia das e dos participantes do curso de formación.

DE ÁFRICA A VIGO PARA FORMARSE EN FAUNA BENTÓNICA DE AUGAS PROFUNDAS

DUVI 16/11/2018

Unha decena de científicas e científicos procedentes de institutos de investigación mariña e universidades de Mauritania, Senegal, Serra Leona, Namibia, Mozambique, Seixeles e Mauricio, remataron nas últimas horas a súa formación en identificación e mostraxe biolóxico da fauna bentónica das augas profundas, nun curso celebrado na Facultade de Ciencias do Mar. Promovido pola FAO, Organización das Nacións Unidas para a Alimentación e a Agricultura, o obradoiro, de tres días de duración, foi impartido polo docente e investigador do Departamento de Ecoloxía e Bioloxía Animal da Universidade de Vigo Fran Ramil. [+Info.](#)



Sergio Vicente-Serrano..

A COMPLEXIDADE DE CUANTIFICAR AS SECAS, TEMA DE ANÁLISE NO CAMPUS DA AUGA

ROSA TEDÍN DUVI OURENSE 19/11/2018

Sergio Vicente-Serrano, investigador do CSIC no grupo do Instituto Pirenaico de Ecoloxía en Zaragoza e un dos 17 científicos españois seleccionados para a redacción do Sexto Informe do IPCC (Panel Intergubernamental de Expertos en Cambio Climático) das Nacións Unidas achegouse este luns ao campus de Ourense-Campus da Auga para falar, no marco da preocupación polo cambio climático, da complexidade de cuantificar as secas no pasado, presente e futuro. [+Info.](#)



Maribel Doval, Manuel Reigosa e Silvana Logueira na inauguración das xornadas.

A UNIVERSIDADE REIVINDICA O SEU PAPEL COMO “AXENTE CLAVE” NA COOPERACIÓN AO DESENVOLVEMENTO

D. BESADÍO DUVI 19/11/2018

Pola súa función formadora e investigadora, polo seu importante papel como axente sensibilizador, pola súa capacidade para crear alianzas multiactores e por ser unha especie de microcosmos, un laboratorio de experiencias que vai ou debería ir un paso por diante do resto da sociedade. Por todos estes motivos e por algún máis, a universidade reivindicou este luns o seu papel como axente clave na cooperación ao desenvolvemento. [+Info.](#)



O curso foi impartido por Mercedes Renda, responsable da asociación Apaioa.

ACOSO E ABUSOS SEXUAIS CENTRAN A ÚLTIMA SESIÓN DO MÓDULO DE SENSIBILIZACIÓN EN IGUALDADE DE ENFERMARÍA

EDUARDO MUÑOZ DUVI PONTEVEDRA 20/11/2018

Igualdade, sexo, xénero, discriminación ou violencia de xénero son, segundo Mercedes Renda, presidenta da Asociación Profesional de Axentes de Igualdade de Oportunidades (Apaioa), “conceptos sobre os que se fala moito, pero nos que non se profunda”, o que dá lugar á “que existan moitas ideas equivocadas”. Achegar ao alumnado da Escola Universitaria de Enfermaría unha “formación e información” introdutoria que contribúa á súa sensibilización en materia de igualdade é o obxectivo principal do seminario que Renda. [+Info.](#)



CCSS e da Comunicación acolleu unha nova sesión dos Martes Saudables.

PROMOVENDO UN CAMPUS MÁIS SAUDABLE A TRAVÉS DA INFORMACIÓN

DUVI PONTEVEDRA 20/11/2018

Información sobre nutrición, deporte e sexualidade, xunto coa realización de probas como a medición da tensión arterial, dos niveis de glicosa ou do índice de masa corporal son só algúns dos exemplos do que os Martes Saudables achegan á comunidade universitaria. No seu percorrido polos tres campus, esta iniciativa impulsada pola Área de Benestar, Saúde e Deporte e a Vicerreitoría do campus de Ourense detívose nesta xornada na Facultade de Ciencias Sociais e da Comunicación. [+Info.](#)



O profesor de BBAA Carlos Tejo presentou o programa do congreso na Casa das Campás.

FUGAS E INTERFERENCIAS ENGADE UNHA OLLADA INTERNACIONAL Á SÚA REFLEXIÓN SOBRE A ARTE DE ACCIÓN

EDUARDO MUÑOZ DUVI PONTEVEDRA 21/11/2018

Unha conferenciante chegada desde Polonia e a participación nas súas diferentes mesas de investigadores e investigadoras procedentes de México, República Dominicana, Romanía e Estados Unidos constatan a aposta de *Fugas e Interferencias*, o congreso dedicado á arte de acción que promoven os investigadores da Facultade de Belas Artes Carlos Tejo, Marta Pol e Alba Blanco, por converterse en internacional na súa terceira edición. [+Info.](#)



Será na Facultade de Dereito.

OURENSE ACOLLERÁ O V COLOQUIO BINACIONAL MÉXICO-ESPAÑA

DUVI OURENSE 22/11/2018

A Facultade de Dereito do campus de Ourense acollerá do 26 ao 28 de novembro o V Coloquio Binacional México-España. A Universidade Autónoma de México (Unam) escolleu este centro para a celebración dunha iniciativa que pretende pór en interacción persoal docente e investigador dun e doutro país no eido xurídico. A cita, que contará coa participación de arredor de medio centenar de relatoras e relatores mexicanos e españois, estará centrada na temática da xestión de conflitos no estado de dereito. [+Info.](#)

10



Juan Picos e José Rodrigo. Foto SGHN.

A CONSERVACIÓN DA BIODIVERSIDADE SERÁ ESTE SÁBADO PROTAGONISTA NO CAMPUS

DUVI PONTEVEDRA 22/11/2018

Un total de nove conferencias porán o foco este sábado na Escola de Enxeñaría Forestal en diversos aspectos relacionados coa conservación e protección da biodiversidade, desde a polinización ou a recuperación de solos aos plans de conservación de especies ameazadas, no marco das II Xornadas Galegas de Patrimonio Natural e Biodiversidade, que a Sociedade Galega de Historia Natural (SGHN) promove coa colaboración da EE Forestal. [+Info.](#)



O obxectivo é procesamento en tempo real da información procedente da monitorización e simulación das instalacións.

A UNIVERSIDADE PARTICIPA NUN PROXECTO PARA MELLORAR A XESTIÓN ENERXÉTICA INTELIXENTE E AUTOMATIZADA DE EDIFICIOS

M. DEL RÍO DUVI 22/11/2018

Os edificios terciarios, é dicir os que teñen como finalidade a prestación de servizos ao público, empresas ou organismos, son un dos principais consumidores de enerxía. Estímase que o 40% da enerxía mundial consúmese nos edificios urbanos e, aproximadamente, o 40% son edificios comerciais. Por este motivo, traballar na eficiencia enerxética deste tipo de construcións é unha das liñas estratégicas da Unión Europea, que se plasma no documento *Unión pola Enerxía*. [+Info.](#)



Yolanda Rodríguez, María Lameriras, María Victoria Carrera e Manuel Reigosa.

O 30% DAS MULLERES DA UNIVERSIDADE DE VIGO CONSIDERAN QUE É BASTANTE OU MOI PROBABLE QUE SUFRAN ACOSO SEXUAL

DUVI OURENSE 23/11/2018

Co gallo da celebración este 25 de novembro do [Día Internacional contra a Violencia de Xénero](#), a Universidade de Vigo presentou este venres no campus de Ourense o informe *Diagnose do acoso sexual e por razón de sexo na Universidade de Vigo*, elaborado por investigadoras do Grupo de Investigación en Sexualidade, Xénero e Saúde da Facultade de Ciencias da Educación. Nel faise unha radiografía, pioneira no contexto estatal, de como se vive a realidade do acoso de xénero na institución académica co obxectivo último de previr e erradicar estes comportamentos. [+Info.](#)

11

UNHA XORNADA PARA CONSTRUIR O MUNDO QUE QUEREMOS

M^a DEL CAMEN ECHEVARRÍA DUVI 23/11/2018

Dar a coñecer á cidadanía os obxectivos de desenvolvemento sostible da Axenda 2030 a través de xogos cooperativos, obradoiros, exposicións, contacontos e un desfile de moda, é a finalidade da xornada *Construíndo o mundo que queremos*. A Axenda 2030 que se celebrará o sábado 24 de novembro no Tinglado do porto de Vigo. A iniciativa da Universidade de Vigo, a Rede Social Galicia Sur, a campaña Impórtanos, a Coordinadora Galega de ONGD desenvolverase entre as 11.00 e as 14.30 da mañá e de 16.30 a 20.00 horas, centrándose en tres grandes bloques: persoas, planeta e prosperidade, a través de actividades dirixidas a persoas de todas as idades. [+Info.](#)



Cartel das xornadas.



Imaxe da inauguración.

PERSOAL DOCENTE E INVESTIGADOR DAS UNIVERSIDADES DE MÉXICO E VIGO DIALOGAN SOBRE OS CONFLITOS NO ESTADO DE DEREITO

ROSA TEDÍN DUVI OURENSE 26/11/2018

Este luns arrancou na Facultade de Dereito do campus de Ourense o [V Coloquio Binacional México-España](#). A cita, organizada pola Universidade Autónoma de México (Unam) co apoio da Universidade de Vigo, reúne ata o mércores a medio centenar de persoal docente e investigador e xuristas dos dous países para fomentar o diálogo e o intercambio de coñecemento no eido da xestión de conflitos no estado de dereito. [+Info.](#)



A UNIVERSIDADE CONTINÚA REDUCINDO AS EMISIÓNS DE GASES DE EFECTO INVERNADOIRO CON 0.95 TONELADAS DE CO2 POR PERSOA

M. DEL RÍO DUVI 26/11/2018

A pegada de carbono é unha medida do impacto ambiental que estuda as emisións de gases de efecto invernadoiro á atmosfera, medidas en kg de CO2 equivalentes. Esta é unha ferramenta de grande utilidade, polo que a Oficina de Medio Ambiente da Universidade leva dende 2002 estudando o impacto derivado das actividades da institución. No informe correspondente ao 2017 constátase a tendencia decrecente das emisións anuais, con 0,95 toneladas de CO2 eq/persoa, fronte ás 0,97 do ano anterior. [+Info.](#)

12



Nerea Álvarez, Cecilio Santalices, Vicky Rodríguez, Esther de Blas e Isabel Gómez.

COMEZA A CAMPAÑA SOLIDARIA DE RECOLLIDA DE ALIMENTOS, XOGUETES E LIBROS

ROSA TEDÍN DUVI OURENSE 27/11/2018

Cando está a piques de comezar o mes de decembro, a Vicerreitoría do Campus de Ourense volve un ano máis a pór en marcha a recollida solidaria de alimentos, xoguetes e libros para axudar ás familias máis necesitadas a ter un mellor Nadal. Ata o día 14 de decembro, os membros da comunidade universitaria poden deixar as súas doazóns nos espazos habilitados á entrada de cada edificio universitario. [+Info.](#)



Parte da promoción homenaxeada.

A XIV PROMOCIÓN DO CICLO INTENSIVO DO PROGRAMA DE MAIORES CELEBRA O PECHE DUNHA ETAPA

DUVI OURENSE 27/11/2018

Este luns tivo lugar o acto de graduación da XIV promoción do ciclo intensivo do Programa Universitario de Maiores no campus de Ourense. Os oito estudantes que forman esta promoción celebraron acompañados de familiares, amigos e membros da comunidade universitaria o remate desta etapa académica. Entre eles estivo Manuel Reigosa, reitor da Universidade de Vigo; Natalia Caparrini, vicerreitora de Captación de Alumnado, Estudiantes e Extensión Universitaria; Esther de Blas, vicerreitora do Campus de Ourense; Alberto Vaquero, coordinador do Programa Universitario de Maiores do campus de Ourense e padriño da promoción, e Julia de la Montaña, madriña de promoción. [+Info.](#)



María Lameiras, Carmen Fouces e Rosa Campos.

O 76% DAS MULLERES QUE PARTICIPARON NA CAMPAÑA #PRIMACOSO SITÚA NA INFANCIA O PRIMEIRO RECORDE DE ACOSO E VIOLENCIA SEXUAL VÍVIDA

DUVI 29/11/2018

“A violencia contra as mulleres é un fenómeno xeneralizado e vai a ter impacto na súa vida. Trátase dunha violencia interiorizada na sociedade e polas propias nenas e mulleres que en moitos casos fronte a agresión senten culpa e vergoña. Unha violencia arroupada pola impunidade”. Estas son algunhas das conclusións presentadas este xoves no Concello de Pontevedra do estudo Campaña #primacoso. [+Info.](#)

13




O evento comezou cunha mensaxe do ministro Pedro Duque.

ESPAÑA REIVINDICA DESDE VIGO O SEU PROTAGONISMO NO ECOSISTEMA DO 'NEW SPACE'

M^a CARMEN ECHEVARRÍA DUVI 29/11/2018

Cunha mensaxe gravada do ministro de Ciencia, Innovación y Universidades, Pedro Duque, comezou pasadas as 9.30 horas New Space España, o evento que durante toda a xornada deste xoves reúne en Vigo a preto de 200 persoas relacionadas co sector do *new space*, tanto empresas, como grandes axencias e corporacións aeroespaciais. Tras lamentar a súa ausencia no evento por compromisos políticos en Bruxelas, Duque incidiu na súa mensaxe ás e aos asistentes nas grandes oportunidades de negocio que ofrece o sector aeroespacial e demandou un maior desenvolvemento desta industria nun país no que “estamos a facelo bem. [+Info.](#)



O catedrático Ricardo Beiras publica “Marine Pollution: Sources, Fate and Effects off Pollutants in Coastal Ecosystems”.

MÁIS DE 400 PÁXINAS E CATRO ANOS DE TRABALLO QUE ACHEGAN UN NOVIDOSO ENFOQUE DO ESTUDO DA CONTAMINACIÓN MARIÑA

M^a DEL CAMEN ECHEVARRÍA DUVI 28/11/2018

A experiencia que outorgan 20 anos impartindo a materia de Contaminación Mariña na Facultade de Ciencias do Mar da Universidade de Vigo, serviulle ao catedrático de Ecoloxía Ricardo Beiras para decatarse da necesidade dun texto actualizado, acorde co estudo que hoxe en día se fai da contaminación mariña, baseado na multidisciplinaria e no que se combinan as técnicas químicas e biolóxicas. [+Info.](#)

UNIVERSIDADE DE VIGO

Unidade de Análisis e Programas.

Edificio Filomena Dato.

Planta Baixa.

36310 Vigo (Pontevedra)

986.818.689 986.818.640